

三才圖會

三才圖會

雲間允明父王思義續集

草木八卷

木類

椒

皂莢

訶梨勒

巴豆

柳

棟

椿 樗

莽草

黃藥

櫟若

白楊

桃榔

南燭

梓

橡

石南

木天蓼

益智

鼠李

椰子

南藤

杉木

接骨木

藥荊

水鱉

鈎藤

樂華

賣木子

櫻櫚

芫花

茶樹

夜合

凍青

刺楸

桑樹

棠梨

楮樹

菌桂

伏牛

蜜蒙

椒



椒

椒生武都川谷及巴郡高四五尺似茱萸而小有針刺葉
堅而滑可煮飲食甚辛香四月結子無花但生於葉間如
小豆顆而圓皮紫赤色八月採實焙乾味辛溫大熱有毒
主邪氣咳逆溫中逐骨節皮膚死肌寒濕痺痛下氣除六
腑寒冷傷寒溫瘡大風汗不出心腹留飲宿食腸澼下痢
洩精女子字乳餘疾散風邪痼結水腫黃疸鬼疰蠱毒殺
蠱魚毒口閉者殺人

莢

皂



皂莢

皂莢出雍州川谷及魯鄒縣今所在有之以懷孟州者爲勝木極有高大者此有三種本經云形如猪牙者良陶注云長尺二者良唐注云長六寸圓厚節促直者皮薄多肉味濃大者佳味辛鹹溫有小毒主風痺死肌邪氣風頭淚出利九竅殺精物療腹脹滿消穀除咳嗽囊結婦人胞不落明目

訶 梨 勒

本草綱目卷之六 木部 訶梨勒



訶梨勒

訶梨勒生交愛州今嶺南皆有而廣州最盛株似木椀花
白子似梔子青黃色皮肉相著七月八月實熟時採六路
者佳味苦溫無毒主冷氣心腹脹滿下食

巴

豆



巴豆

巴豆出巴郡川谷今嘉眉戎州皆有之木高一二丈葉如櫻桃而厚大初生青後漸黃赤四月花發成穗五六月結實作房一房有三瓣一瓣有實一粒一房共實三粒也戎州出者殼上有縱文隱起如線一道至兩三道名爲金線巴豆最爲上一名巴椒味辛溫生溫熟寒有大毒主傷寒溫瘧寒熱破癥瘕結聚積留飲痰癖大腹水脹蕩練五臟六腑開通閉塞利水穀道去惡肉除鬼毒蠱疰邪物療女子月閉爛胎


椰



柳

柳生琅邪川澤今處處有之俗所謂楊柳也本經以絮爲
花陳藏器云華即初發黃葉也子乃飛絮也味苦寒無毒
主風水黃疸面熱黑痢疥惡瘡金瘡葉療心腹內血止痛
實主潰癰逐膿血子汁療渴

棟



棟

棟實即金鈴子也生荆山山谷今處處有之以蜀川者爲佳木高丈餘葉密如槐而長三四月開花紅紫色芬香滿庭間實如彈丸生青熟黃十二月採實其根採無時此種有雌雄維根赤無子有大毒雌者根白有子微毒當用雌者俗間謂苦棟子主溫疾傷寒大熱殺三蟲疥瘍利小便水道

樗

椿



椿樗

椿木樗木椿葉味苦有毒主洗瘡疥風疽水煮葉汁用之
皮主耳聾樗木根葉尤良二木形幹大抵相類但椿木實
而香可噉樗木踈而氣臭北人呼樗爲山椿江東人呼爲
鬼目葉脫處有痕如樗蒲子又如眼目故得此名爾雅云
栲山樗郭璞注云栲似樗色小白生山中因名亦類漆

草

莽



莽草

莽草亦曰蒺草出上谷及宛句今南中州郡及蜀川皆有之木若石南而葉稀無花實五月七月採葉陰乾一說藤生繞木石間又一名𧄸一名春草味辛苦溫有毒主風頭癰腫乳癰疽瘕除結氣疥癢殺蟲魚療喉痺不通乳難

藥

黃



黃藥

黃藥根生嶺南今夔峽州郡及明越秦隴州山中亦有之以忠萬州者爲勝藤生高三四尺根及莖似小桑十月採根秦州出者謂之紅藥子葉似蕎麥枝梗赤色七月開白花其根初採濕時紅赤色暴乾卽黃開州興元府又產一種名苦藥子大抵與黃藥相類黃藥根味苦平無毒主諸惡腫瘡痿喉痺蛇犬咬毒取根研服之亦含亦塗

若

櫨



榭若

榭若處處山林多有之木高丈餘若即葉也與藥相類亦有斗但小不中用耳不拘時採其葉并皮用主痔止血療血痢止渴皮味苦水煎濃汁除蠱及瘰

楊

白




白楊

白楊處處有之北土尤多種於墟墓間株大葉圓如梨皮
白木似楊故名白楊又有水楊葉圓潤而赤枝條短梗多
生水岸傍柳崔豹古今注曰白楊葉圓青楊葉長柳葉長
細移楊圓葉弱蒂微風則大搖一名高飛一曰獨搖一曰
蒲柳亦曰蒲楊亦曰移柳亦曰蒲移樹皮味苦無毒主毒
風脚氣腫四肢緩弱不隨毒氣遊易在皮膚中痰癰等酒
漬服之

椰

桃



桄榔

桄榔子生嶺南山谷一廣州郡皆有之其木似栟閭而堅
硬斫其間有麴大者至數石食之不饑其皮至柔堅韌可
以作綆其子作穗生木端不拘時月採之嶺表錄異云桄
榔木枝葉並茂葉下有鬚如麈馬尾廣人採之以織巾子
其鬚尤宜鹹水浸漬即麈尾而韌味苦平無毒主宿血

南 燭

三才圖會卷之草木八




南燭

南燭生嵩山江東州郡亦有之株高三五尺葉類苦楝而小凌冬不凋冬生紅子作穗俗謂之南天燭不拘時採其枝葉用其種是木而似草故號南燭草木一名猴藥一名男續一名後車一名惟那木一名草木之王此木至難長初生三四年狀若菰菜之屬亦頗似梔子二三十年乃成大株凡有八名各從其邦域所稱而正號是南燭也其子如茱萸九月熟酸美可食葉不相對似茗而圓厚味小

夏常青枝莖微紫大者亦高四五丈而其肥脆易摧折味苦平無毒止泄除嘔強筋益氣力久服輕身長年

梓



梓

梓白皮生河內山谷今近道皆有之木似桐而葉小花紫
郭璞云卽楸也陸機云梓楸之䟽理白色而生子者又一
種鼠梓一名梗亦楸之屬也江東人謂之虎梓味苦寒無
毒主熱去三蟲療目中疾


橡



橡

橡實櫟木子也所在山谷皆有之木高二三丈三四月黃
花八九月結實其實爲皂斗可染皂色不拘時採其皮并
實用味苦微溫無毒主下痢厚腸胃肥健人其殼爲散及
煮汁服亦主痢

石 南



石南

石南生華山谷今南北皆有之生於石上極有高大者江湖間出者葉如枇杷有小刺凌冬不凋春生白花成簇秋結細實關隴間出者葉似莽草青黃色背有紫點雨多則并生長及二三寸根橫細紫色無花實葉至茂密二月四月採葉四月採實陰乾味辛苦平有毒主養腎氣內傷陰衰利筋骨皮毛療脚弱五臟邪氣除熱

木 天 蓼



木天蓼

木天蓼味辛溫有小毒主癥結積聚風勞虛冷生山谷中
木高三三丈二月四月開花如栢花五月採子子作毬形
似榮其毬子可藏作果噉之亦治諸冷氣

智

益



益智

益智子生崑崙國今嶺南州郡處處有之葉似菱荷長丈
餘其根傍生小枝高七八寸無葉花萼作穗生其上如棗
許大皮白含之攝涎唾採無時味辛溫無毒主遺精虛漏
小便餘瀝益氣安神補不足安三焦調諸氣夜多小便者

李

鼠



鼠李

鼠李卽烏藥子也生田野今蜀川多有之枝葉如李子實
若五味子色碧黑其汁紫色主寒熱瘰癧瘡其皮味苦微
寒無毒主除身皮熱毒

椰子



椰子

椰子出安南嶺南郡皆有之木似桄榔無枝葉高數丈葉在木末如束蒲實大如瓠垂於枝間有殼圓而且堅裏有膚至白如猪肪厚半寸許皮味苦平無毒止血療鼻衄吐逆霍亂煮汁服之殼中肉益氣去風漿服之主消渴塗頭益髮令黑

藤

南



南藤

南藤卽丁公藤也生南山山谷苗如馬鞭有節紫褐色葉如杏葉而尖採無時味辛溫無毒主風血補衰老起陽強腰脚除痺變白逐冷氣排風邪

木

杉



杉木

杉木南中深山中多有之木類松而勁直葉附枝生若刺
針爾雅云披葜郭璞注云葜似松生江南微溫無毒主療
漆瘡

木 骨 接




接骨木

接骨木近京皆有之木高二三丈許花葉都類陸英水芹
其木輕虛無心味其苦平無毒主折傷續筋骨除風癢齧
齒可作浴湯

荆

藥



藥荊

藥荊生東海及淄州汾州性溫味苦有小毒蘇公云莖葉都似石南經冬不凋葉上有細黑點者真也今諸郡所出者枝莖白葉小圓而青色頗似榆莢而長冬夏不枯六月開花花有紫白二種子似大麻四月採苗葉八月採子主大風頭面手足諸風癱瘓狂癲濕痺寒冷疼痛

木 鼈 子



木鼈子

木鼈子出朗州及南中今湖廣諸州亦有之春生苗作蔓
葉有五花青色面光四月生黃花六月結實似栝葵而極
大生青熟紅肉上有刺其核似鼈故以爲名味甘溫無毒
主折傷消結腫惡瘡生肌止腰痛除粉刺黥黯婦人乳癰
肛門腫痛

藤

鈎



鈎藤

鈎藤出梁州及興元等亦有之葉細莖長節間有刺若鈎
三月採微寒無毒主小兒寒熱十二驚癇

藥

華



樂華

樂華生漢中川谷今南方及都下園圃中或有枝葉似木
槿而薄細花黃似槐而稍長大子殼似酸漿其中有實如
熟豌豆圓黑而堅堪爲數珠五月採其花亦可染黃味苦
寒無毒主目痛淚出傷背消目腫

賣 木 子



三才圖會卷之八


十七

賣木子

賣木子出劔南邛州今惟渠州有之株高五七尺木徑寸許春生嫩枝條葉尖長一二寸俱青綠色枝梢淡紫色四五月開碎花百十枝閨簇作大朵焦紅色隨花便生子如枝目在花瓣中黑而光潔每株花裁三五大朵耳五月採其枝葉用味甘微鹹平無毒主折傷血內溜續絕補骨髓止痛安胎

櫚


梭



櫻櫚

櫻櫚亦曰栴櫚出嶺南及西川江南亦有之木高二三丈
傍無枝條葉大而圓六七月生黃白花八九月結實作房
如魚子黑色子平無毒澁腸止瀉痢腸風崩中帶下及養
血皮平無毒止鼻洪吐血破癥治崩中帶下腸風赤白痢

花 荒




芫花

芫花生淮源川谷今在處有之味辛苦微溫有小毒主咳
逆上氣喉鳴喘咽腫短氣蟲毒鬼瘡疔瘕癰腫殺蟲魚消
胸中痰水喜唾水腫五水在五臟皮膚及腰痛下寒毒肉
毒一名去水一名毒魚一名杜芫其根名蜀桑可療疥瘡

樹

茶



茶樹

茶樹本草名苦茶其樹大小皆類梔子春初生芽可作羹飲世呼早採者爲茶晚取者爲茗一名薺蜀謂之苦茶今通謂之茶皆味甘苦性微寒無毒主瘰瘡利小便去痰熱渴令人少睡苦茶主下氣消宿食

夜合樹



夜合樹

夜合樹本草名合歡一名合昏木似梧桐其枝甚柔弱葉似皂莢葉又似槐極細而密互相交結每一風來輒似相解了不相牽綴其葉至暮而合故名合昏花發紅白色瓣上若綠茸然至秋而實作莢子極薄細味甘性平無毒主安五臟利心志令人歡樂無憂久服輕身明目

青

凍




東青樹

東青樹樹高丈許枝葉似杞骨樹極茂盛凌冬不凋花細青白色九月而實成爲女貞子立冬採實暴乾味甘平無毒主補中安五臟養精神除百疾

楸

刺



刺楸

刺楸本草名梓白皮詩鄘風云椅桐梓漆陸機云梓者楸之䟽理白色而生子者生山谷間亦植園林以爲材用木皮味苦小寒無毒主吐逆殺三蟲及皮膚蟲煎膏粘傳惡瘡疸癰腫疔野鷄病除膿血生肌膚長筋骨葉禱傳瘡腫亦煮湯洗膿血冬取乾葉湯揉用之

桑



桑

桑樹本草有桑根白皮其葉飼蠶結實爲桑椹有黑白二種桑之精英盡在於椹桑根白皮東行根益佳肥白者良出土者不可用殺人味甘性寒無毒主傷中五勞六極羸瘦崩中脉絕補虛益氣去肺中水氣唾血熱渴水腫腹滿臃脹利水道去寸白可以縫金瘡葉主除寒熱出汗汁解蜈蚣毒

梨

棠



梨棠

二

棠梨

棠梨樹葉似蒼朮葉亦有團葉者有三叉葉者葉邊皆有鋸齒又似女兒茶葉其葉色白開白花結棠梨如小煉子大味甘酸花葉味微苦

楮 桃 樹





三才圖會卷之草木八
楮槐樹

楮槐樹本草名楮實一名穀實樹有二種一種皮有班花紋謂之班穀一種皮無花紋其實如彈大青綠色後漸變深紅色實味甘寒無毒主陰痿水腫益氣充肌膚明目葉味甘無毒主小兒身熱食不生肌又主惡瘡生肉樹皮主逐水利小便莖癰瘰癧瘻瘻者煮洗浴皮間白汁療癬

桂

菌



菌桂

菌桂生交趾山谷牡桂生南海山谷桂生桂陽而嶺表所
出則有筒桂肉桂桂心官桂板桂之名又桂味甘辛大熱
有小毒主溫中利肝肺氣心腹寒熱冷疾霍亂轉筋頭痛
腰痛出汗止嘔止煩咳嗽鼻鼾能墮胎堅骨節通血脉理
疏不出宣導百藥牡桂味辛溫無毒主上氣嗽逆結氣喉
痺吐吸心痛脅風脅痛溫筋通脉止煩出汗利關節補中
益氣菌桂味辛溫無毒主百病養精神和顏色爲諸藥先
聘通使

牛

伏




伏牛

伏牛花生蜀地多生川澤中葉青細似黃蘗葉而不光莖
赤有刺花淡黃色作穗似杏花而小三月採陰乾用又
一名竹膏味苦甘平無毒療久風濕痺四肢拘攣骨肉疼痛
作湯主風眩頭痛五痔下血

蒙

蜜



蜜蒙

蜜蒙花生益州川谷蜀中州郡皆有木高丈餘葉似冬青
葉而厚背白色有細毛又似橘葉花微紫色二月三月採
花暴乾用味甘平微寒無毒主青盲膚臂赤澁多眵淚消
目中赤脉小兒疳豆及疳氣攻眼